

BOSNA I HERCEGOVINA  
BRČKO DISTRIKT BOSNE I HERCEGOVINE  
OSNOVNI SUD BRČKO DISTRIKTA  
BOSNE I HERCEGOVINE  
Broj : 96 o O 056751 24 O 3  
Brčko, 29.05.2024. godine

Osnovni sud Brčko distrikta Bosne i Hercegovine, sudija Selim Karamehić, odlučujući u ostavinskom predmetu iza umrlog D.D. sina R. iz B., donio je dana 28.05.2024. godine sljedeće

### R J E Š E N J E O NASLJEĐIVANJU

Zaostavština iza umrlog D.D sina R. rođenog ... godine, a umrlog ... godine bez izjave posljednje volje, državljanin Bosne i Hercegovine.

I. - Utvrđuje se da zaostavštinu čine NEKRETNINE upisane u :

- zk. ul. broj 1250 k.o. T. sa dijelom od 1/12
- zk. ul. broj 291 k.o. T. sa dijelom od 1/45
- zk. ul. broj 1493 k.o. T. sa dijelom od 1/3
- zk. ul. broj 1123 k.o. T. sa dijelom od 1/3
- zk. ul. broj 219 k.o. M. sa dijelom od 1/9

II. - Zaostavština iza umrlog ostavioca uručuje se na osnovu Zakona o nasljeđivanju njegovim zakonskim nasljednicima:

1. sinu D.M. iz B., ul. ..., br. ..., B.  
JMBG ... sa dijelom od ..... 1/2
2. unuku D.B. sinu D. iz B., ul. ..., broj ..., JMBG... sa  
dijelom.....1/4
3. unuci D.I. kćerki D. sa prebivalištem u SR Nj., ... str. ..., ... M., JMBG 1... sa  
dijelom od .....1/4

III. - Obavezuju se nasljednici platiti taksu na nasljeđe u iznosu od 100,00 KM, srazmjerno visini nasljednog dijela i to na žiro račun 552-000-18267624-57 kod Addiko Bank a.d. Banja Luka, filijala Brčko, primalac DRT Brčko distrikt BiH, vrsta prihoda 722221, budžetska organizacija 1202001, opština 099, u roku od 8 dana od dana pravosnažnosti rješenja pod prijetnjom prinudne naplate takse uvećana za 50%.

IV.- Po pravosnažnosti ovog rješenja, isto će se dostaviti Republičkoj upravi za geodetske i imovinsko pravne poslove područne jedinice U. k.o. T.

### O b r a z l o ž e n j e

Smrtoznicom Matičnog ureda Brčko broj ... od 24.01.2013. godine pokrenut je ostavinski postupak iza umrlog D.D. iz B.

Rješenjem ovog suda 96 o O 056751 13 O od 21.10.2013. godine prekinut je ostavinski postupak iza umrlog D.D iz B., do pravosnažnog okončanja parničnog postupka.

Podneskom od 08.09.2021. godine advokat Zeljić Miodrag, punomoćnik zakonskog nasljednika D.M. je obavijestio sud da je okončan parnični postupak koji se vodio kod ovog suda pod brojem 96 o P 048500 12 P, te je predložio nastavak ostavinskog postupka.

Rješenjem ovog suda broj 96 o O 056751 21 O 2 od 04.10.2021. godine nastavljen je ostavinski postupak.

U nastavku postupka sud je po službenoj dužnosti zatražio od Republičke uprave za geodetske i imovinsko-pravne poslove B.L., područna jedinica U., k.o. T. podatke da li je sproveden ugovor o poklonu broj 1691/11 od 11.11.2011. godine, sastavljen kod notara Miodraga Pajića, kojim je poklonodavac D.D. poklonio nekretnine upisane u posjedovnom listu broj 447/0, k.o. T., posjedovni list broj 225/0 k.o. T. pokolonoprincu D.M. i da dostavi sve z.k. izvratke ( zl. ul. broj 1250 k.o. T. sa dijelom od 1/12, z.k. ul. broj 291 k.o. T. sa dijelom od 1/45, zk.ul. broj 1493 k.o. T. sa dijelom od 1/3, zk.ul. 1123 k.o. T. sa dijelom od 1/3 i zk. ul. broj 219 k.o. M. sa dijelom od 1/9) i posjedovne listove ( p.l. broj 2252/1 i 447/3) koji se vode na imenu D.D..

Uvidom u dostavljenu dokumentaciju Republičke uprave za geodetske i imovinsko-pravne poslove B.L., područna jedinica U., k.o. T., sud je utvrdio da se predmetni ugovor o poklonu, odnosno presuda Osnovnog suda Brčko distrikta Bosne i Hercegovine, broj 96 o P 048500 12 P 2 od 10.04.2018. godine nije sprovedla.

Na ročištu održanom dana 28.12.2021. godine, sud je naložio Zeljić Miodragu, advokatu iz Brčkog, punomoćniku zakonskog nasljednika D.M. da dostavi dokaz o sprovedenju predmetne presude.

Kako sudu nije dostavljen dokaz o sprovođenju presude ovog suda broj 96 o P 048500 12 P 2 od 10.04.2018. godine, sud je rješenjem broj 96 o O 056751 21 O 2 od 31.05.2022. godine prekinuo ovaj ostavinski postupak do okončanja prethodnog pitanja koji se odnosi na sprovođenje presude ovog suda broj 96 o P 048500 12 P 2 od 10.04.2018. godine.

Nakon što je sud po službenoj dužnosti utvrdio da je predmeta presuda sprovedena, odnosno da je predmetna promjena u Pl. broj 447 i k.o. T. i Pl. broj 2252 k.o. T. izvršena na osnovu Ugovora o poklonu broj 1691/11 od 11.11.2011. godine, sud je nastavio ostavinski postupak.

U toku ostavinskog postupka, utvrđeno je da je ostavilac umro bez testamenta, a iza sebe ostavio imovinu iz izreke rješenja i nasljednike: sinove: D.M. i D. D. koji je preminuo, pa se po pravu predstavljanja javljaju unuci: D.B. i D.I. .

Zakonski nasljednici: D.M. i D.B. su se prihvatili svojih zakonskih nasljednih dijelova. O pravima zakonske nasljednice D.I., sud je odlučio na osnovu odredbe člana 120 stav 3 u vezi sa odredbom člana 122 stav 3 Zakona o vanparničnom postupku Brčko distrikta Bosne i Hercegovine, jer ista nije pristupila na zakazano ročište i pored uredno primljenog poziva, a svoj izostanak nije opravdala, niti je

dostavila nasljedničku izjavu, pa joj je sud primjenom gore navedenih odredbi, uručio zakonom pripadajući dio.

Odredbom člana 273 Zakona o nasljeđivanju Brčko distrikta Bosne i Hercegovine (Službeni glasnik Brčko distrikta Bosne i Hercegovine „ broj 36/17), propisano je da će se prava stranka u vezi sa nasljeđivanjem cijeliti po zakonu koji se primjenjivao u času otvaranja nasljedstva.

Na osnovu svega izloženog, a shodno odredbi člana 10 i 11 Zakona o nasljeđivanju SR Bosne i Hercegovine („Službeni list SR Bosne i Hercegovine“ broj 7/80 i 15/80) i odredbe člana 123 i 128 Zakona o vanparničnom postupku Brčko distrikta Bosne i Hercegovine, („Službeni glasnik Brčko distrikta Bosne i Hercegovine“ broj 5/01), sud je donio rješenje kao u izreci.

Odluka o taksi na nasljeđe zasniva se na tarifnom broju 8 Zakona o sudskim taksama Brčko distrikta Bosne i Hercegovine («Službeni glasnik Brčko distrikta Bosne i Hercegovine» broj 5/2001).

POUKA O PRAVNOM LIJEKU:

SUDIJA

Protiv ovog rješenja dozvoljena je žalba  
Apelacionom sudu Brčko distrikta BiH u roku  
od 8 dana od dana prijema, a putem ovog suda.

Selim Karamehić